

Nefndasvið Alþingis
Umhverfis- og samgöngunefnd
Austurstræti 8-10
150 Reykjavík

*Alþingi
Erindi nr. P 143/869
komudagur 21.1.2014*

Húsavík, 16. janúar 2014

Efni: Umsögn um tillögu til þingsályktunar um flutning stjórnsýslu um málefni hreindýra til hreindýraráðs, sbr. þingskjal 255 - 202. mál.

Með tölvupósti dags. 6. janúar 2014 óskaði umhverfis- og samgöngunefnd Alþingis eftir umsögn um eftirfarandi þingsályktunartillögu: " Alþingi ályktar að fela umhverfis- og auðlindaráðherra að hefja undirbúning að flutningi stjórnsýslu um málefni hreindýra til hreindýraráðs." Með tillöggunni fylgdi stutt greinargerð þar sem farið var yfir ástæður fyrir innflutningi hreindýra til landsins, fyrirkomulag veiðistjórnunar og færð rök fyrir flutningi stjórnsýslu málefna hreindýra til hreindýraráðs.

Frá því snemma árs 2000 hefur Náttúrustofa Austurlands annast vöktun og rannsóknir á íslenska hreindýrastofnинum til samræmis við lög nr. 64/1994. Ekki er hægt að sjá að mögulegur flutningur stjórnsýslunnar hafi áhrif á hlutverk Náttúrustofunnar. Markmið vöktunarinnar er að afla gagna um stofninn þannig að hægt sé að veita ábyrga ráðgjöf um veiðibol, ástand stofnsins og ágang hreindýra. Lykilákvæðanir stjórnsýslunnar um árlegan veiðikvóta og mat á ágangi hreindýra byggja á vöktunarstarfi Náttúrustofunnar. Erfiðlega hefur gengið að tryggja Náttúrustofunni fjármagn til þess að sinna vöktuninni þrátt fyrir skýr ákvæði í 14. gr. laga nr. 64/1994 um að tekjur af felldum dýrum skuli standa undir kostnaði við vöktunina. Samtök náttúrustofa telja brýnt að bæta úr þessu, enda er vöktunin undirstaða sjálfbærrar nýtingar á hreindýrastofnинum.

Hreindýraráð annaðist umsýslu og stjórnun hreindýraveiða þar til verkefni ráðsins voru flutt til Umhverfisstofnunar árið 2003. Sú þingsályktunartillaga sem hér er til umfjöllunar gengur út á að hefja undirbúning að flutningi þessara verkefna aftur til hreindýraráðs. Erfitt er að ráða af tillöggunni hvaða verkefni Umhverfisstofnunar eigi að flytja til hreindýraráðs. Báðir aðilar hafa sinnt þessu hlutverki með sóma. Samtök náttúrustofa hafa enga skoðun á því hvor aðilinn gerir það í framtíðinni, svo lengi sem stjórnsýslan er vönduð, fagleg og skilvirk. Verði tillagan samþykkt er mikilvægt að náið samráð sé haft við hlutaðeigandi aðila á öllum stigum undirbúnings og framkvæmdar breytinganna.

Samtök náttúrustofa gera eftirfarandi athugasemdir við greinargerð með fram kominni þingsályktunartillögu:

- Umsýsla og málefni hreindýra og hreindýraveiða heyra ekki að öllu leyti undir yfirstjórn Umhverfisstofnunar. Náttúrustofa Austurlands annast vöktun og rannsóknir á hreindýrastofnинум. Þá er yfirstjórn í höndum umhverfis- og auðlindaráðherra.
- Vöktun á hreindýraveiðum er ekki í höndum Náttúrustofu Austurlands. Umhverfisstofnun hefur eftirlit með hreindýraveiðum.
- Eftirlit með hreindýrastofnинум var ekki flutt úr heimabyggð við skipulags- og lagabreytinguna árið 2003. Eftirlitið heyrir undir Náttúrstofu Austurlands og er því í heimabyggð.

Virðingarfyllst, f.h. Samtaka náttúrustofa

Porkell L. Þórarinsson